

摘藻堂四庫全書薈要

集部

欽定四庫全書薈要

集部  
山谷詞

詳校官助教臣謝登雋



欽定四庫全書薈要卷一萬五千一百八十六

集部

山谷詞

宋 黃庭堅 撰

目錄

水調歌頭二首

畫堂春二首

虞美人三首

撥棹子

兩同心三首

憶帝京三首

水龍吟

滿庭芳五首

驀山溪四首

阮郎歸七首



定風波八首

浪淘沙

看花迴

惜餘懽

撼庭竹

醉落魄五首

西江月五首

木蘭花令十一首

品令二首

雨中花

洞仙歌

念奴嬌

醉蓬萊二首

江城子二首

逍遙樂

離亭燕

歸田樂引二首

歸田樂令

望遠行

步蟾宮

鼓笛令四首

好女兒三首

踏莎行二首

採桑子八首

鵲橋仙二首

醜奴兒二首

菩薩蠻二首

鷓鴣天八首

少年心二首

減字木蘭花十三首

清平樂六首

點絳脣三首

謁金門

南鄉子六首

南歌子四首

更漏子二首

好事近三首

調笑令

喝火令

留春令

宴桃源

雪花飛

下水船

賀聖朝

青玉案二首

沁園春

千秋歲二首

河傳

望江東

桃源憶故人

卜筭子

蝶戀花

漁家傲五首

浣溪沙四首

訴衷情四首

晝夜樂

一落索

促拍滿路花

水調歌頭

瑤草一何碧  
春入武陵溪  
溪上桃花無數枝  
上有黃鸝  
我欲穿花尋路直  
入白雲深處  
浩氣展虹蜺  
祇恐花深

裏紅霧濕人衣 坐玉石倚玉枕拂金徽謫仙何處無  
人伴我白螺盃我為靈芝仙草不為絳唇丹臉長嘯亦  
何為醉舞下山去明月逐人歸

又

落日塞垣路風勁戛貂裘翩翩數騎閒獵深入黑山頭  
極目平沙千里唯見琱弓白羽鐵面駿驄隱隱望青  
冢特地起閒愁 漢天子方鼎盛四百州玉顏皓齒深  
鎖三十六宮秋堂有經綸賢相邊有縱橫謀將不減翠



蛾羞戎虜和樂也聖主永無憂

畫堂春

年十六作

東風吹柳日初長  
雨餘芳草斜陽  
杏花零亂燕泥香  
睡損紅粧  
寶篆煙銷龍鳳  
畫屏雲鎖瀟湘  
夜寒微透薄羅裳  
無限思量

又

摩圍小隱枕蠻江  
蛛絲閒鎖晴窓  
水風山影上修廊  
不到晚來涼  
相伴蝶穿花徑  
獨飛鷗舞溪光  
不因送客

下繩床添火炷爐香

虞美人 至當塗呈郭功甫

平生本愛江湖住  
鷗鷺無人處  
江南江北水雲連  
莫笑醯雞歌舞甕中天  
當塗艤棹蒹葭外  
賴有賓朋在此  
身無路入修門  
慚愧詩翁清些與招魂

又

波聲拍枕長淮曉  
缺月窺人小  
無情江水自東流  
只載一船離恨向西州  
竹陰花塢曾同醉  
酒味多於淚  
若

教金鑒在塵埃醞造一場煩惱送人來

又 宜州見梅作

天涯也有江南信  
梅破知春近  
夜闌風細得香遲  
不道曉來開遍向南枝  
玉臺弄粉花應妬  
飄到眉心住  
平生箇裏願盃深  
去國十年老盡少年心

撥棹子

歸去來歸去來  
攜手舊山歸去來  
有人共對月  
罇罍橫一琴  
甚處逍遙不自在  
閒世界無利害  
何必向世間

金史四庫全書  
甘幻愛與君釣晚烟寒瀨蒸白魚稻飯溪童供筍菜

兩同心

巧笑眉顰行步精神隱隱似朝雲行雨弓弓樣羅襪生  
塵罇前見玉檻彫籠堪愛難親 自言家住天津生小  
從人恐舞罷隨風飛去顧阿母教穿珠裙從今去唯願  
銀缸莫照離罇

又

一笑千金越樣情深曾共結合歡羅帶終須效比翼文

禽許多時靈利惺惺驀地昏沉  
自從官不容針直至  
而今你共人女邊著子爭知我門裏挑心記携手小院  
回廊月影花陰

又

秋水遙岑粧淡情深儘道教心堅穿石更說甚官不容  
針霎時間雨散雲歸無處追尋  
小樓朱閣沉沉一笑  
千金你共人女邊著子爭知我門裏挑心最難忘小院  
回廊月影花陰

憶帝京

銀燭生花如紅豆占好事如今有人醉曲屏深借寶瑟  
輕招手一陣白蘋風故滅燭教相就花帶雨冰肌香  
透恨啼鳥轆轤聲曉柳岸微涼吹殘酒斷腸人依舊鏡  
中消瘦恐那人知後鎮把你來僝僽

又 贈彈琵琶妓

薄粧小靨閒情素抱著琵琶凝竚慢撚復輕籠切切如  
私語轉撥割朱絃一段驚沙去萬里嫁烏孫公主對

易水明妃不渡粉淚行行紅顏片片指下花落狂風雨  
借問本師誰斂撥當曾住

又黔州張倅生日

鳴鳩乳燕春閒暇化作綠陰槐夏壽筵舞紅裳睡鴨飄  
香麝醉此洛陽人佐郡深儒雅况坐上玉麟金馬更  
莫問鶯老花謝萬里相依千金為壽未厭玉燭傳清夜  
不醉欲言歸笑殺高陽社

水龍吟黔守曾伯達供備生日

早秋明月新圓漢家戚里生飛將青驄寶勒綠沉金鎖  
曾隨天仗種德江南宣威西夏合宮陪享況當年定計  
昭陵與子勲勞在諸公上 千騎風流年少暫淹留莫  
孤清賞平坡駐馬虛弦落鴈思臨虜帳遍舞摩圍遍歌  
彭水拂雲驚浪看朱顏綠鬢封侯萬里寫淩煙像

滿庭芳

北苑龍團江南鷹爪萬里名動京闕碾深羅細瓊藥暝  
生煙一種風流氣味如甘露不染塵凡纖纖捧冰甃瑩



玉金縷鷓鴣斑  
相如方病酒銀瓶蟹眼波怒濤翻為  
扶起罇前醉玉顏  
山飲罷風生兩腋醒  
覓到明月輪邊  
歸來晚文君未寢相對小窻前

又

北苑春風方圭圓壁萬里名動京闕碎身粉骨功合上  
凌煙罇俎風流戰勝降春睡開拓愁邊纖纖捧熬波濺  
乳金縷鷓鴣斑  
相如方病酒一觴一詠賓友群賢為  
扶起罇前醉玉顏  
山搜攪胃中萬卷還傾動三峽詞源

歸來晚文君未寢相對小粧殘

又

明眼空青忘憂萱草翠玉閒淡梳粧小來歌舞長是倚  
風光我已逍遙物外人寃道別有思量難忘處良辰美  
景襟袖有餘香 鴛鴦頭白早多情易感紅蓼池塘又  
須得罇前席上成雙些子風流罪過都說與明月空床  
難拘管朝雲暮雨分付楚襄王

又

初綰雲鬟才勝羅綺便嫌柳巷花街占春才子容易託  
行媒其奈風流債負煙花部不免差排劉郎恨桃花片  
片流水惹塵埃風流賢太守能籠翠羽宜醉金釵且  
留取垂楊掩映廳堦直待朱幡去後從伊便窄襪弓鞋  
知恩否朝雲暮雨還向夢中來

又

脩竹濃青新條淡綠翠光交映虛亭錦鴛霜鷺荷徑拾  
幽蘋香渡欄干屈曲紅粧映薄綺踈櫺風清夜橫塘月

滿水淨見移星 堪聽微雨過嬾藻荇瑣碎浮萍便  
移轉胡床湘簟方屏練靄鱗雲旋漏聲不斷簷響風鈴  
重開宴瑤池雪沁山露佛頭青

驀山溪

山圍江暮天鏡開晴絮斜影過梨花照文星老人星聚  
清罇一笑歡甚却成愁別時襟餘點點疑是高唐雨  
無人知處夢裏雲歸路回鴈曉風清鴈不來啼鴉無  
數心情老懶尤物解宜人春盡也有南風好便迴帆

去

又 贈衡陽妓陳湘

鴛鴦翡翠小小思珍偶  
眉黛斂秋波儘湖南山明水秀  
俇俇悵悵恰近十三餘春未透  
花枝瘦政是愁時候  
尋芳載酒肯落誰人後  
只恐晚歸來綠成陰青梅如豆  
心期得處每自不隨人  
長亭柳君知否千里猶回首

又 至宜州作寄贈陳湘

稠花亂葉到處撩人醉  
林下有孤芳不忽忽成蹊桃李

今年風雨莫送斷腸紅斜枝倚風塵裏不帶塵風氣  
微嗔又喜約略知春味江上一帆愁夢猶尋歌梁舞地  
如今對酒不似那回時書謾寫夢來空只有相思是

又

山明水秀盡屬詩人道應是五陵兒見衰翁孤吟絕倒  
一觴一詠瀟洒寄高閒松月下竹風間試想為襟抱  
玉關遙指萬里天衢香筆陣掃秋風瀉珠璣琅琅皎皎  
卧龍智略三詔佐昇平煙塞事玉堂心頻把菱花照

阮郎歸

曾敷文既眄陳湘歌舞便出其類學

書亦進來求小楷作阮郎歸詞付之

盈盈嬌女似羅敷湘江明月珠起來綰髻又重梳弄粧  
仍學書歌調態舞工夫湖南都不如他年未厭白髭  
鬚同舟歸五湖

又效唐獨木橋體作茶詞

烹茶留客駐彫鞍有人愁遠山別郎容易見郎難月斜  
窻外山歸去後憶前懽畫屏金博山一盃春露莫留

殘與郎扶玉山

又 茶詞

歌停檀板舞停鸞高陽飲興闌獸煙噴盡玉壺乾香分  
小鳳團雪浪淺露花圓捧甌春笋寒絳紗籠下躍金  
鞍歸時人倚欄

又 茶詞

摘山初製小龍團色和香味全碾聲初斷夜將闌烹時  
鶴避煙消滯思解塵煩金甌雪浪翻只愁啜罷水流



天餘清攪夜眠

又

黔中桃李可尋芳  
摘茶人自忙  
月團犀胯闕圓方  
研膏入焙香  
青箬裹絳紗  
囊品高聞外  
江酒闌傳盃舞紅

裳都濡春味長

都濡地名

又

退紅衫子亂蜂兒  
衣寬只為伊為伊  
去得忒多時  
教人直是疑  
長睡晚理粧遲  
愁多懶畫眉  
夜來算得有歸

期燈花則甚知

又

貧家春到也騷騷  
瓊漿注小槽  
老夫不出長蓬蒿  
隣墻開碧桃  
木芍藥品題高一枝  
煩剪刀傳盃猶似少年豪  
醉紅侵雪毛

定風波 次高左藏使君韻

萬里黔中一漏天  
屋居終日似乘船  
及至重陽天也霽  
催醉鬼門關  
近蜀江前  
莫笑老翁猶氣岸  
君看幾人

白髮上華顛戲馬臺前追兩謝馳射風情猶拍古人肩

又

把酒花前欲問溪問溪何事晚聲悲名利往來人盡老  
誰道溪聲今古有休時且共玉人斟玉醕休訴笙歌  
一曲黛眉低情似長溪長不斷君看水聲東去月輪西

又

小院難圖雲雨期幽懽渾待賞花時到得春來君却去  
相誤不須言語淚雙垂密約樽前難囑付偷顧手搓

金橘斂雙眉庭榭清風明月媚須記歸時莫待杏花飛

又次高左藏韻

自斷此生休問天白頭波上泛膠船老去文章無氣味  
憔悴不堪驅使菊花前聞道使君携將吏高會叅軍  
吹帽晚風顛千騎插花秋色暮歸去翠娥扶入醉時肩

又

晚歲鹽州聞荔枝赤英垂墜壓欄枝萬里來逢芳意歇  
愁絕滿盤空憶去年時澗草山花光照座春過等閒

枯李又累累辜負寒泉浸紅皺銷瘦有人花病損香肌

又

准擬堦前摘荔枝今年歇盡去年枝莫是春光厮料理  
無比譬如痠瘡有休時碧甃朱欄情不淺何晚來年

枝上報累累雨後園林坐清影蘇醒紅裳剝盡看香肌

又

上客休辭酒淺深素兒歌裏細聽沉粉面不須歌扇掩  
閒靜一聲一字總關心花外黃鸝能密語休訴有花

能得幾時斟畫作遠山臨碧水明媚夢為胡蝶去登臨  
又客有兩新鬟善歌者請作送湯曲因戲前二物  
歌舞闌珊褪晚粧主人情重更留湯冠帽斜欹辭醉去  
邀定玉人纖手自磨香又得樽前聊笑語如許短歌  
宜舞小紅裳寶馬促歸朱戶閉  
一云醉裏還家明亦未人睡夜來  
應恨月侵床

浪淘沙 荔枝

憶昔謫巴蠻荔子親攀冰肌照映柘枝冠日擘輕紅三

百顆一味甘寒 重入鬼門關也似人間一雙和葉插  
雲鬟賴得清湘燕玉面同倚欄干

看花迴 茶詞

夜永蘭堂醺飲半倚頽玉爛漫墜鈿墮履是醉時風景  
花暗殘燭懽意未闌舞燕歌珠成斷續催茗飲旋煮寒  
泉露井餅竇響飛瀑纖指緩連環動觸漸泛起蒲甌  
銀粟香引春風在手似粵嶺閩溪初采盈掬暗想當時  
探春連雲尋篁竹怎歸得鬢將老付與盃中綠

惜餘懽 茶詞

四時美景正年少賞心頻啟東閣芳酒載盈車喜朋侶  
簪合盃觴交飛勸酬獻正酣飲醉主公陳榻坐來爭奈  
玉山未頽興尋巫峽歌闌旋燒絳蠟况漏轉銅壺烟  
斷香鴨猶整醉中花偕纖手重插相將扶上金鞍驤裊  
碾春焙願少延懽洽未須歸去重尋艷歌更留時霎

撼庭竹 宰太和日吉州城外作

嗚咽南樓吹落梅聞鴉樹驚飛夢中相見不多時隔城



今夜也應知

一作人相

坐久水空碧山月影沈西

買箇

宅兒住著伊剛不肯相隨如今却被天嗔你永落鷄羣  
受雞欺空恁惡憐惜風日損花枝

醉落魄

舊有醉醒醒醉一曲云醉醒醒醉憑

君會取皆滋味濃斟琥珀香浮蟻一入愁腸  
便有陽春意須將幕席為天地歌前起舞花  
前睡從它兀兀陶陶裏猶勝醒醒惹得閒懽  
悴此曲亦有佳句而多斧鑿痕又語高下不

甚入律或傳是東坡語非也與蝸角虛名解  
下癡條之曲相似疑是王仲父作因戲作二  
篇呈吳元祥黃中行似能厭道二公意中事

陶陶兀兀樽前是我華胥國爭名爭利休休莫雪月風花  
不醉怎歸得 邯鄲一枕誰憂樂新詩新事因閒適東山

小妓携絲竹家裏樂天村裏謝安石

石曼卿自嘲云村裏  
黃繡綽家中白侍郎

又

陶陶兀兀人生無累何由得盃中三萬六千日悶損旁

觀我但醉落托 扶頭不起還顏玉日高春睡平生足

誰門可款新筍熟安樂春泉玉醴荔支綠

親賢宅  
四酒名

又 老夫止酒十五年矣到我州恐惟瘴癘所侵

故晨舉一盃不相察者乃強見酌遂能作病

因復止酒用前韻作二篇呈吳元祥

陶陶兀兀人生夢裏槐安國教公休醉公但莫盞倒垂  
蓮一笑是贏得 街頭酒賤民聲樂尋常行處逢勸適  
醉看簷雨森銀燭我欲憂民渠有二千石

又

陶陶兀兀醉鄉路遠歸不得心情那似當年日割愛金  
荷一盃淡不拓 異鄉薪桂炊香玉摩挲經笥須知足  
明年小麥能秋熟不管經霜點盡髮邊綠

又

蒼顏華髮故鄉歸路無因得舊交新貴音書絕唯有家  
人猶作慇懃別 離亭欲去歌聲咽瀟瀟細雨涼生頰  
淚珠不用羅巾裏彈在羅衣圖得見時說

西江月 老夫既戒酒不飲遇宴集獨醒其傍  
坐客欲得小詞援筆為賦

斷送一生唯有破除萬事無過遠山微影蘸橫波不飲  
傍人笑我花病等閒瘦惡春來沒箇遮闌盃行到手  
莫留殘不道月斜人散

又 茶詞

龍焙頭綱春早谷簾第一泉香已醺浮蟻嫩鵝黃想見  
翻匙雪浪兔褐金絲寶盃松風蟹眼新湯無因更發

次公狂甘露來從仙掌

又 崇寧甲申遇惠洪上人於湘中洪作長短句  
見贈云大厦吞風吐月小舟坐水眠空霧窓  
春色翠如蔥睡起雲濤正擁往事回頭笑處  
此生彈指聲中玉牋佳句敏驚鴻聞道衡陽  
價重次韻酬之時余方謫宜陽而洪歸分寧  
龍安

月側金盆墮水鴈回醉墨書空君詩秀色雨園蔥想見

衲衣寒擁 蟻穴夢魂人世揚花蹤跡風中莫將社燕  
等秋鴻處處春山翠重

又

別夢已隨流水淚巾猶裛香泉相如依舊是癯仙人在  
瑤臺閬苑 花霧縈風縹緲歌珠滴水清圓娥眉新作  
十分妍去馬歸來便面

又

宋玉短牆東畔桃源落日西斜濃粧下著綉簾遮鼓笛

相催清夜 轉盼驚翻長袖低徊細踏紅靴舞餘猶顫  
滿頭花嬌學男兒拜謝

木蘭花令 當塗解印後一日郡中置酒呈郭  
功甫

凌歊臺上青青麥姑熟堂前餘翰墨暫分一印管江山  
稍為諸公分皂白 江山依舊雲空碧昨日主人今日客  
誰分賓主強惺惺問取磯頭新婦石

又 竄易前詞



翰林本是神仙謫落帽風流傾座席坐中還有賞音人  
能岸烏紗傾大白江山依舊雲橫碧昨日主人今日  
客誰分賓主強惺惺問取磯頭新婦石

又次前韻再呈功甫

青壺乃似壺中謫萬象光輝森宴席紅塵鬧處便休休  
不是箇中無皂白歌煩舞倦朱成碧春草池塘凌謝  
客共君商略老生涯歸種玉田秧白石

又庾元鎮四十兄庭堅四十年翰墨故人庭

堅假守當塗元鎮窮不出入州縣席上作樂

府長句勸酒

庾郎三九常安樂使有萬錢無處著徐熙小鴨水邊  
花明月清風都占却朱顏老盡心如昨萬事休休  
休莫莫樽前見在不饒人歐舞梅歌君更酌

歐梅當時二妓

又用前韻贈郭功甫

少年得意從軍樂晚歲天教閒處著功名富貴久寒灰

翰墨文章新諱却 是非不用分  
今昨雲月孤高公也莫  
喜歡為地醉為鄉飲客不來但自酌

又

風開冰面魚鱗皺  
暝入芳心犀點透  
乍看晴日弄柔條  
憶得章臺人姓柳  
心情老大癡成就  
不復淋浪沾翠袖  
早梅獻笑尚窺鄰  
小蜜竊香如遺壽

又

東君未試雷霆手  
洒雪開春春鎖透  
帝臺應點萬年枝

窮巷偏欺三徑柳 峯排羣玉森相就  
中有摩圍為領袖 凝香窓下與誰看  
一曲琵琶千萬壽

又

新年何許春光漏 小院閒門風日透  
酥花入座頗欺梅 雪絮因風全是柳  
使君落筆春詞就 應喚歌檀催舞袖  
得開眉處且開眉 人世可能金石壽

又

黃金捍撥春風手 簾幕重重音韻透  
梅花破萼便春回

似有黃鸝鳴翠柳 曉粧未愜梅添就玉笋捧盃離細袖  
會拚千日笑樽前它日相思空損壽

又

黔中士女遊晴晝花信輕寒羅綺透爭尋穿石道宜男  
更買江魚雙貫柳 竹枝歌好移舡就依倚風光垂翠袖  
滿傾蘆酒指摩圍相守與郎如許壽

又

可憐翡翠隨鷄走學綰雙鬟年紀小見來行待惡憐伊

心性嬌癡空解笑  
紅蕖照映霜林杪  
楊柳舞腰風嫋  
嫋衾餘枕賸儘  
相容只是老人難再少

品令 送黔守曹伯達供備

敗葉霜天曉  
漸鼓吹催行棹  
栽成桃李未開  
便解銀章  
歸去取麒麟  
圖畫要及年少  
勸君醉倒  
別語怎醒時  
道楚山千里暮雲  
鎮鎖離人懷抱  
記取江州司馬  
座中最老

又 茶詞

鳳舞團團餅恨分破教孤令金渠體淨隻輪慢碾玉塵  
光瑩湯響松風早減了二分酒病 味濃香永醉鄉路  
成佳境恰如燈下故人萬里歸來對影口不能言心下  
快活自省

雨中花 送彭文思使君

政樂中和夷夏宴喜官梅乍傳消息待新年歡計斷送  
春色桃李成陰甘棠少訟又移旌戟念畫樓朱閣風流  
高會頓冷談席 西州縱有舞裙歌板誰共茗邀棋敵

歸來未得先霑袖管絃催滴樂事賞心易散良辰美景難得會須醉倒玉山扶起更傾春碧

洞仙歌 瀘守王補之生日

月中丹桂自風霜難老閱盡人間盛衰草望中秋才有  
幾日十分圓霾風雨雲表常如永晝不得文章力白  
首防秋誰念雲中上功守正注意得人雄靜掃河西應  
難指五湖歸掉問持節馮唐幾時來看再策勲名印窠  
如斗



念奴嬌 八月十七日同諸生步自永安城樓

過張寬夫園待月偶有名酒因以金荷酌衆  
客客有孫彥立善吹笛援筆作樂府長短句

文不加點

斷虹霽雨淨秋空山染修眉新綠桂影扶疎誰便道今  
夕清輝不足萬里青天常娥何處駕此一輪玉寒光零  
亂為誰偏照醺醺年少隨我追遊晚尋幽徑逶張園  
森木醉倒金荷家萬里難得樽前相屬老子平生江南

江北最愛臨風曲  
孫郎微笑坐來聲  
噴霜竹

醉蓬萊

對朝雲靉靄暮雨霏微  
翠峰相倚巫峽高唐鎖楚宮佳  
麗畫戟移春靚粧迎馬向一川  
都會萬里投荒一身弔  
影成何歡意盡道黔南去天尺五  
望極神州萬里煙  
水罇酒公堂有中朝佳士荔  
頰紅深麝臍香滿醉舞裊  
歌袂杜宇催人聲聲到曉不如歸是

又  
竄易前詞

對朝雲鬢黷暮雨霏微翠峯相倚巫峽高唐鎖楚宮佳  
儷蘸水朱門半空霜戟自一川都會虜酒千盃夷歌百  
轉迫人垂淚 人道黔南去天尺五望極神京萬種煙  
水懸榻相迎有風流千騎荔頰紅深麝臍香滿醉舞裊  
歌袂杜宇催人聲聲到曉不如歸是

江城子

畫堂高會酒闌珊倚欄干霎時間千里關山常恨見伊  
難及至而今相見了依舊似隔關山 倩人傳語問平

安省愁煩淚休彈哭損眼兒不似舊時單尋得石榴雙  
葉子憑寄與插雲鬟

又

新來曾被眼奚搐不甘伏怎拘束似夢還真煩亂損心  
曲見面暫時還不見看不足惜不足不成歡笑不成  
哭覷人目遠山感有分看伊無分共伊宿一貫一文蹺  
十貫千不足萬不足

逍遙樂

春意漸歸芳草故國佳人千里信沉音杳雨潤煙光晚  
景澄明極目危欄斜照夢當年少對樽前上客鄒枚小  
鬟燕趙共舞雪歌塵醉裏談笑花色枝枝爭好鬢絲  
年年漸老如今遇風景空瘦損向誰道東君幸賜與天  
幕翠遮紅遶休休醉鄉岐路華胥蓬島

離亭燕 次韻答黎功略見寄

十載樽前談笑天祿故人年少可是陸沉英俊地看即  
鎖窓批詔此處忽相逢潦倒禿翁同調西顧郎官湖

渺試看庾樓人小短艇絕江空悵望寄得詩來高妙夢  
去倚君傍胡蝶歸來清曉

歸田樂引

暮雨濛濛砌漏漸移轉添寂寞點點心如碎怨你又戀  
你恨你惜你畢竟教人怎生是前歡筭未已奈向如  
今愁無計為伊聰俊銷得人憔悴這裏銷睡裏一作夢裏  
夢裏心裏一向無言但垂淚

又

對景還銷瘦被箇人把人調戲我也心兒有憶我又喚  
我見我嗔我天甚教人怎生受 看承幸廝勾又是罇  
前眉峯皺是人驚怪寬我忒攪就拚了又捨了定是這  
回休了及至相逢又依舊

歸田樂令

引調得甚近日心腸不戀家寧寧地思量他思量他兩  
情各自肯甚忙咱意思裏莫是賺人吵噉奴真箇得共  
人得

望遠行 勾尉有所眄為太守所猜兼此生有  
所愛住馬湖馬湖出丁香核荔支常以遺生  
故戲及之

自見來虛過却好時好日這訑尿粘膩得處煞是律據  
眼前言定也有十分七八寬我無心除告佛 管人間  
底且放我快活得便索些別茶祇待又怎不遇偎花映  
月且與一斑半點只怕你沒丁香核

步蟾宮



蟲兒真箇惡靈利惱亂得道人眼起醉歸來恰似出桃源但目斷落花流水不如隨我歸雲際共作箇住山活計照清溪勻粉面插山花筭終勝風塵滋味

鼓笛令 戲詠打揭

酒闌命友閒為戲打揭兒非常愜意各自輸贏只賭是賞罰采分明須記小五出來無事却跋翻和九底若要十一花下死那管十三不如十二

又

寶犀未解心先透惱殺人遠山微皺意淡言疎情最厚  
枉教作着行官柳 小雨勒花時候抱琵琶為誰消瘦翡  
翠金籠思珍偶忍拌與山鷄儂倦

又

見來兩箇寧寧地眼厮打過如拳踢恰得嘗些香甜底  
苦殺人遭誰調戲 臘月望川坡上地凍著你影駉村鬼  
你但那些一處睡燒沙糖管好滋味

又

見來便覺情於我，厮守著新來好過人。道他家有婆婆，與一口管教展磨。副靖傳語木大鼓兒裏，且打一和更。有些兒得處囉燒沙糖香藥，添和

好女兒 張寬夫園賞梅

小院一枝梅，衝破曉寒開。偶到張園遊戲，沾袖帶香回。玉酒覆銀盃，盡醉去猶待重來。東鄰何事驚吹怨曲

雪片成堆

一曲一作笛

又

春去幾時還問桃李無言燕子歸樓風勁梨雪亂西園  
唯有月嬋娟似人人難近如天願教清影常相見更  
乞取團圓

又

粉淚一行行啼破曉來粧懶擊酥冑羅帶羞見綉鴛鴦  
擬待不思量怎奈向目下恹惶假饒來後教人見了  
却去何妨

踏莎行

畫鼓催春蠻歌走餉火前一焙爭春長低株摘盡到高  
株高株別是閩溪樣碾破春風香凝午帳銀瓶雪袞  
翻匙浪今宵無睡酒醒時摩圍影在秋江上

又

臨水夭桃倚牆繁李長楊風掉青驄尾樽中有酒且酬  
春更尋何處無愁地明日重來落花如綺芭蕉漸展  
山公啓欲將心事寄天公教人長壽花前醉

採桑子 送彭道微使君移知永康軍

荔支灘上留千騎桃李陰繁宴寢香殘畫戟森森鎮八  
蠻永康又得風流守管領江山少訟多閒烟靄樓臺  
舞翠鬟

又

虛堂密候叅同火梨棗枝繁深鎖三關不要樊姬與小  
蠻遙知風雨更闌夜猶夢巫山濃麗清閒曉鏡新梳  
十二鬟

又

投荒萬里無歸路雪點鬢繁度鬼門關已拚兒童作楚  
蠻黃雲苦竹啼歸去繞荔支山蓬戶身閒歌板誰家  
教小鬟

又

馬湖來舞釵初賜茄鼓聲繁賢將開闕威竦西山公詔  
蠻南溪地逐名賢重深鎖群山燕喜公閒一斛明珠  
兩小鬟

又  
戲贈黃中行

宗盟有效能歌舞宜醉樽罍待約新醅車上危坡盡要  
推西鄰三弄爭秋月邀勒春回箇裏聲催鐵樹枝頭  
花也開

又

夜來酒醒清無夢愁倚闌干露滴輕寒兩行芙蓉淚不  
乾佳人別後音塵悄銷瘦難拚明月無端已過江樓  
十二間

又



櫻桃著子如紅豆不管春歸聞道開時蜂惹香鬚蝶惹  
衣樓臺燈火明珠翠酒戀歌迷醉玉東西少箇人人  
煖被携

又

城南城北看桃李依倚年華楊柳藏鴉又是無言颭落  
花春風一面長含笑偷顧羞遮分付誰家把酒花前  
試問他

鵲橋仙 次東坡七夕韻

八年不見清都絳闕望銀漢溶溶漾漾

銀一作河

年年牛女

恨風波算此事人間天上

野麋豐草江鷗遠水老天

唯便踈放百錢端往問君平早晚具歸田小舫

又 席上賦七夕

朱樓彩舫浮瓜沉李報答春風有幾一年樽酒暫時同  
別淚作人間曉雨 鴛鴦機綜能令儂巧也待乘槎仙去  
若逢海上白頭翁共一訪癡牛驂女

醜奴兒

得意許多時長醉賞月下花枝暴風急雨年年有金籠  
鎖定鶯鷦燕友不被鷄欺紅旆轉逶迤悔無計千里  
追隨再來重綰瀘南印而今日下恓惶怎向日永春遲

又

濟楚好得些憔悴損都是因它那回得句閒言語傍人  
盡道你管又還鬼那人吵得過口兒嘛直勾得風了  
自家是即好意也毒害你還甜殺人了怎生申報孩兒

菩薩蠻 王荆公新築草堂於半山引八功德

水作小港其上壘石作橋為集句云數間茅  
屋閒臨水窄衫短帽垂楊裏花是去年紅吹  
開一夜風稍稍新月偃午醉醒來晚何物最  
關情黃鸝三兩聲戲效荊公作

半烟半雨溪橋畔漁翁醉著無人喚踈懶意何長春風  
花草香江山如有待此意陶潛解問我去何之君行  
到自知

又淹泊平山堂寒食節固陵錄事叅軍表弟周

元固惠酒為作此

細腰宮外清明雨  
雲陽臺上烟如縷  
雲雨暗巫山  
流水殊未還  
阿誰知此意  
解遣雙壺至  
不是白頭新周郎  
舊可人

鷓鴣天 表弟季如麓云玄真子漁父語以鷓鴣  
鴉天歌之極入律但少數句耳因以玄真子  
遺事足之憲宗時畫玄真子像訪之江湖不  
可得因令集其歌詩上之玄真之兄松齡懼

玄真放浪而不返也和荅其漁父云樂在風  
波釣是閒草堂松桂已勝攀太湖水洞庭山  
狂風浪起且須還此余續成之意也

西塞山邊白鳥飛桃花流水鱖魚肥朝廷尚覓玄真子  
何處如今更有詩青箬笠綠蓑衣斜風細雨不須歸人  
閒底事風波險一日風波十二時

又重九日集句

塞鴈初來秋影寒霜林風過葉聲乾龍山落帽千年事

我對西風猶整冠  
蘭委佩菊堪飡  
人情時事半悲歡  
但將醕酖酬佳節  
更把茱萸子細看

又  
坐中有眉山隱客史應之和前韻即席答之  
黃菊枝頭破曉寒  
人生莫放酒盃乾  
風前橫笛斜吹雨  
醉裏簪花倒著冠  
身健在且加餐  
舞裙歌板盡情懽  
黃花白髮相牽挽  
付與傍人冷眼看

又  
明日獨酌自嘲呈史應之

萬事令人心骨寒  
故人墳上土新乾  
淫坊酒肆閒居士

李下何妨也整冠 金作鼎玉為食老來亦失少時懽  
莫菊蕊年年事十日還將九日看

又

紫菊黃花風露寒平沙戲馬雨聲乾且看欲盡花經眼  
休說彈冠與整冠 甘酒病廢朝餐何人得似醉中懽  
年一覺揚州夢為報時人洗眼看

又

節去蜂愁蝶不知曉庭環繞折殘枝自然今日人心別



未必秋香一夜衰 無閒事即芳期菊花須插滿頭歸宜  
將酩酊酬佳節不用登臨送落暉

又

聞說君家有翠娥施朱施粉摠嫌多背人語處藏珠履  
覷得羞時整玉梭 拖遠袖壓橫波何時傳酒更傳歌為  
君寫就黃庭了不要山陰道士鵝

又 吉祥長老設長松湯時適有僧病痲癩嘗死  
金剛窟有人見者教服長松湯遂復為完人

湯泛冰菱一坐春長松林下得靈根吉祥老子親拈出  
箇箇教成百歲人燈焰焰酒醺醺壑源曾未破醒覓與  
君更把長生盃略為清歌駐白雲

少年心

對景惹起愁悶染相思病成方寸是阿誰先有意阿誰  
薄倖斗頓恁少喜多嗔合下休傳音問你有我我無  
你分似合歡桃核真堪人恨心兒裏有兩箇人人

又添字少年心

心裏人人暫不見霎時難過天生你要憔悴我把心頭  
從前鬼著手摩挲抖擻了百病銷磨見說那廝脾驚  
熱大不成我便與拆破待來時鬪上與廝噉則箇溫存  
著且教推摩

減字木蘭花 登巫山縣樓作

裏王夢裏草綠煙深何處是宋玉臺頭暮雨朝雲幾許  
愁飛花漫漫不管羈人腸欲斷春水茫茫要渡南陵  
更斷腸

又 距施州二十里張仲謀遣騎相迎因送所和  
樂府來且約近郊相見復用前韻先往

使君那裏千騎塵中依約是拂我眉頭無處重尋庾信  
愁 山雲瀰漫夾道旌旗聯復斷萬事茫茫分付澄波  
與爛腸

又 巫山縣追懷老杜

巫山古縣老杜淹留情始見撥悶題詩千古神交世不  
知 雲陽臺下更值清明風雨夜知道愁辛果是當時

作賦人

又 次韻趙文儀

詩翁才刃曾陷文場貌虎陣誰敢當哉況是焚舟決勝  
來 三巴春杪客館夢回風雨曉宵次崢嶸欲共濤頭  
赤甲平

又

蒼崖萬仞下有奔雷千百陣自古危哉誰遣西園涓麼

來

涓音習  
影也

猿啼雲杪破夢一聲巫峽曉苦喚愁生不是

西園作麼平

又

餘寒爭令雪共鴈梅相照映昨夜東風已出耕牛勸歲  
功陰陰羃羃近覺去天無幾尺休恨春遲桃李梢頭  
次第知

又

終宵忘寐好事如何猶尚未子細沈吟珠泪盈盈濕袖  
襟與君別也願在郎心莫暫捨記取盟言聞早回程

却再圓

又 丙子仲秋奉陪黔陽曹使君伯達翫月作減

字木蘭花兼簡施州張使君仲謀

中秋多雨常是罇罍狼籍去今夜雲開須道姮娥得得  
來 不知雲外還有清光同此會笛在層樓聲徹摩圍  
頂上頭

又

中秋無雨醉送月銜西嶺去笑口須開幾度中秋見月

來 前年江外兒女傳盃兄弟會此夜登樓小謝清吟  
慰白頭

又

濃陰驟雨巫峽有情來又去今夜天開不與姮娥作伴  
來 清光無外白髮老人心自會何處歌樓貪看冰輪  
不轉頭

又 丙子仲秋黔守席上客有舉岑嘉州中秋詩

曰今夜鄜州月閨中只獨看遙憐小兒女未



解憶長安因戲作

舉頭無語家在月明生處住擬上摩圍最上峯頭試望  
之偏憐終秀苦淡同甘誰更有想見牽衣月到愁邊  
摠未知

又戲答

月中笑語萬里同依光景住天水相圍相見無因夢見  
之諸兒娟秀儒學傳家渠自有自作秋衣漸老先寒  
人未知

又 用前韻示知命弟

常年夜雨頭白相依無去住兒女成圍歡笑樽前月照之  
阿連高秀千萬里來忠孝有豈謂無衣歲晚先寒  
要弟知

清平樂

黃花當戶已覺秋容暮雲夢南州逢笑語心在歌邊舞  
處使君一笑眉開新晴照酒樽來且樂樽前見在休  
思走馬章臺

又

休推小戶看即風光暮  
萸菊英浮盃醕

親賢宅酒名

報答

風光有處幾回笑口能開  
少年不肯重來借問牛山  
繫馬今為誰姓池臺

又

舞鬟娟好白髮黃花帽醉任旁觀  
嘲潦倒扶老偏宜年  
小舞回臉玉胷酥纏頭一斛明珠  
日日梁州薄媚年  
年金菊茱萸

又 示知命

乍晴秋好黃菊歌烏帽不見清談人絕倒更憶添丁小  
小蜀娘謾點花酥酒槽空滴真珠兄弟四人別住它  
年同插茱萸

又

春歸何處寂寞無行路若有人知春去處喚取歸來同  
住春無蹤跡誰知除非問取黃鸝百轉無人能解因  
風吹過薔薇

又

冰堂酒好只恨銀盃小新作金荷工獻巧圖要連臺拗

倒

唐龍朔中子母相去連臺拗倒俗謂盃盤為子母又盤為臺

採蓮一曲清歌急檀

催卷金荷醉裏香飄睡鴨更驚羅襪凌波

點絳脣 重九日寄懷嗣直弟時在涪陵用東

坡餘杭九日點絳脣舊韻二首

濁酒黃花畫簾十日無秋燕夢中相見似作枯禪觀

鏡裏朱顏又減心情半江山遠登高人健寄語東飛鴈

又

幾日無書舉頭欲問西來燕世情夢幻復作如斯觀

自歎人生分合常相半戎雖遠念中相見不托魚和鴈

又

羅帶雙垂妙香長恁携纖手半粧紅豆各自相思瘦

聞道伊家終日眉兒皺不能勾泪珠輕溜裛損揉藍袖

謁金門 示知命弟

山又水行盡吳頭楚尾兄弟燈前家萬里相看如夢寐  
君似成蹊桃李入我草堂松桂莫厭歲寒無氣味餘  
生吾已矣

南鄉子 重九日涪陵作示知命弟

落帽晚風回又報黃花一番開扶杖老人心未老堪咍  
謾有才情付與誰 芳意正徘徊傳語西風且慢吹明日  
餘罇還共倒重來未必秋香一夜衰

又 今年重九知命已向成都感之復次前韻

招喚欲千回暫得樽前笑口開萬水千山還麼去悠哉  
酒向黃花欲醉誰顧影且徘徊立到斜風細雨吹見我  
未衰容易去還來不道年年即漸衰

又

未報賈舡回三徑荒鋤菊臥開想得鄰舟野笛罷沾衣  
不為涪翁更為誰風力嫋蔓枝酒面紅鱗慙細吹莫笑  
插花和事老摧頽却向人間耐盛衰

又



黃菊滿東籬與客携壺上翠微  
已是有花兼有酒良期不用登臨嘆落暉  
滿酌不須辭莫待無花空折枝寂寞  
酒醒人散後堪悲節去蜂愁蝶不知

又重陽日寄懷永康彭道微使君用東坡韻  
卧稻雨餘收處處遊人簇遠洲  
白髮又挨紅袖醉戎州亂摘黃花插滿頭  
青眼想風流畫出西樓一幃秋却憶  
去年歡意舞梁州塞鴈西來特地愁

又重陽日宣州城樓宴集即席作

諸將說封侯短笛長歌獨倚樓萬事盡隨風雨去休休  
戲馬臺南金絡頭催酒莫遲留酒味今秋似去秋花向  
老人頭上笑羞羞白髮簪花不解愁

南歌子

槐綠低窓暗榴紅照眼明玉人邀我少留行無奈一帆  
烟雨畫舫輕柳葉隨歌皺梨花與淚傾別時不似見  
時情今夜月明江上酒初醒

又

詩有淵明語歌無子夜聲論文思見老彌明坐想羅浮  
山下羽衣輕何處黔中郡遙知隔晚晴雨餘風急斷  
虹橫應夢池塘春草若為情

又東坡過楚州見淨慈法師作南歌子用其韻  
贈郭詩翁二首

郭大曾名我劉翁復是誰入廬能作和鑼椎特地干戈  
相待使人疑秋浦橫波眼春窻遠岫眉補陀巖畔夕  
陽遲何似金沙灘上放憨時

又

萬里滄江月清波說向誰鎖門須更下金椎只恐風驚  
草動又生疑金鴈斜粧頰青螺淺畫眉庖丁有底下  
刀遲直要人牛無際是休時

更漏子 詠餘甘湯

菴摩勒西土果霜後明珠顆顆憑玉兔搗香塵稱為席  
上珍號餘甘無奈苦臨上馬時分付管回味却思量  
忠言君但嘗

又

體妖嬈鬟婀娜玉甲銀箏照座危柱促曲聲殘玉孫帶  
笑看休休休莫莫莫愁撥箇絲中索了了了玄玄玄  
山僧無盃禪

好事近 湯詞

歌罷酒闌時瀟洒座中風色主禮到君須盡奈賓朋南  
北暫時分散揔尋常難堪久離折不似建溪春草解  
留連佳客

又 太平州小妓楊姝彈琴送酒

一弄醒心絃情在兩山斜疊彈到古人愁處有真珠承  
睫使君來去本無心休淚界紅頰自恨老來憎酒負  
十分金葉

又

不見片時霎魂夢鎮相隨著因甚近新無據誤竊香深  
約思量模樣忔憎兒惡又怎生惡終待共伊相見與  
佯佯奚落

調笑令

詩

海上神仙字太真  
昭陽殿裏稱心人  
猶思一曲霓裳舞  
散作中原胡馬塵  
方士歸來說風度  
梨花一枝春帶雨  
分釵半鈿愁殺人  
上皇倚欄獨無語

無語恨如許  
方士歸時腸斷處  
梨花一枝春帶雨  
半鈿分釵親付  
天長地久相思苦  
渺渺鯨波無路

喝火令

見晚情如舊交疎分已深舞時歌處動人心煙水數年  
寬夢無處可追尋昨夜燈前見重題漢上襟便愁雲  
雨又難禁曉也星稀曉也月西沈曉也鴈行低度不會  
寄芳音

留春令

江南一鴈橫秋水嘆咫尺斷行千里回紋機上字縱橫  
欲寄遠憑誰是謝客池塘春都未微微動短牆桃李



半陰才暝却清寒是瘦損人天氣

宴桃源 書趙伯充家小姬領巾

天氣把人僂僂落絮遊絲時候茶飴可曾炊

一本云去歲迷藏花

柳恰恰如今時候心緒幾曾炊

鏡中贏得銷瘦生受生受更被養娘催

綉

雪花飛

携手青雲路穩天聲迤邐傳呼袍笏恩章乍賜春滿皇  
都何處難忘酒瓊花照玉壺歸嫋絲梢競醉雪舞郊

衢

下水船

總領神仙侶齊到青雲岐路丹禁風微咫尺諦聞天語  
盡榮遇看即如龍變化一擲靈梭風雨真遊處上苑  
尋春去芳草芊芊迎步幾曲笙歌櫻桃豔裏懽聚瑤觴  
舉回祝堯齡萬萬端的君恩難負

賀聖朝

脫霜披茜初登第名高得意櫻桃榮宴玉墀遊領群仙

行綴 佳人何事輕相戲道得之何濟君家聲譽古無  
雙且均平居二

青玉案 至宜州次韻上酬七兄

煙中一線來時路極目送歸鴻去第四陽關雲不度山  
胡新囀子規言語正在人愁處憂能損性休朝暮憶  
我當年醉時句

舊詩云我自只如常日  
醉滿川風月替人愁

渡水穿雲心已

許暮年光景小軒南浦同捲西山雨

又 寅庵解萍實宰作今附此

行人欲上來時路破曉霧輕寒去隔葉子規聲暗度十分酒滿舞裯歌袖沾夜無尋處故人近送旌旗暮但聽陽關第三句欲斷離腸餘幾許滿天星月看人憔悴燭淚垂如雨

沁園春

把我身心為伊煩惱算天便知恨一回相見百方做計未能偎倚早覓東西鏡裏拈花水中捉月覷著無由得近伊添憔悴鎮花銷翠減玉瘦香肌奴兒又有行期你

去即無妨我共誰向眼前常見心猶未足怎生禁得真箇分離地角天涯我隨君去掘井為盟無改移君須是做些兒相度莫待臨時

千秋歲 少游得謫嘗夢中作詞云醉臥古藤陰下了不知南北竟以元符庚辰死於藤州光華亭上崇寧甲申庭堅竄宜州道過衡陽覽其遺墨始追和其千秋歲詞

苑邊花外記得同朝退飛騎軋鳴珂碎齊歌雲繞扇趙

舞風回帶嚴鼓斷  
盃盤狼籍猶相對  
洒淚誰能會醉  
卧藤陰蓋人已去  
詞空在兔園高宴  
悄虎觀英遊改重  
感槩波濤萬頃珠  
沈海

又

世間好事恰恁  
廝當對尋夜永  
涼天氣雨稀簾外  
滴香篆盤中字長  
入夢如今見也  
分明是歡極嬌無  
力玉軟花欹墜  
釵眉袖雲堆臂  
燈斜明媚  
管汗浹  
管騰醉  
奴奴睡  
奴奴睡也  
奴奴睡

河傳 有士大夫家歌秦少游瘦殺人天不管

之曲以好字易瘦字戲為之作

心情老懶對歌對舞猶是當時眼巧笑靚粧近我衰容  
華鬢似扶著賣卜筭思量好箇當年見催酒催更只  
怕歸期短飲散燈稀背鎖落花深院好殺人天不管

望江東

江水西頭隔煙樹望不見江東路思量只有夢來去更  
不怕江闌住燈前寫了書無數筭沒箇人傳與直饒

金安四庫全書  
尋得鴈分付又還是秋將暮

桃源憶故人

碧天露洗春容淨淡月曉收殘暈花上密烟飄盡花底  
鶯聲嫩 雲歸楚峽厭厭困兩點遙山新恨和淚暗彈  
紅粉生怕人來問

卜筮子

要見不得見要近不得近試問得君多少憐管不解多  
於恨 禁止不得淚忍管不得悶天上人間有底愁向



箇裏都諳盡

蝶戀花

海角芳菲留不住。筆下風生，吹入青雲去。仙籍有名天  
賜與。致君事業安排取。要識世間平坦路。當使人人  
各有安身處。黑髮便逢堯舜主。笑人白首耕南畝。

漁家傲 予嘗戲作詩云大葫蘆挈小葫蘆惱

亂檀那。得便沽。每到夜深人靜後。小葫蘆入  
大葫蘆。又云大葫蘆乾枯。小葫蘆行沽。一住

金僊宅一徃黃公壚有此通大道無此令人  
老不問惡與好兩葫蘆俱倒或請以此意倚  
聲律作詞使人歌之為作漁家傲

踏破草鞋參到老等閒拾得衣中寶遇酒逢花須一笑  
重年少俗人不用嗔貧道是處青旗誇酒好醉鄉路

上多芳草提著葫蘆行未到風落帽葫蘆却纏葫蘆倒

又江寧江口阻風戲效寶寧勇禪師作古漁家

傲王環中云廬山中人頗欲得之試思索始

記四篇

萬水千山來此土本提心印傳梁武對朕者誰渾不顧  
成死語江頭暗折長蘆渡面壁九年看二祖一花五  
葉親分付隻履提歸葱嶺去君知否分明忘却來時路

又

三十年來無孔竅幾回得眼還迷照一見桃花參學了  
呈法要無絃琴上單于調摘葉尋枝虛半老拈花特  
地重年少今後水雲人欲曉非玄妙靈雲合破桃花笑

又

憶昔藥山生一虎華亭船上尋人渡散却夾山拈坐具  
呈見處繫驢橛上合頭語 千尺垂絲君看取離鈎三  
寸無生路驀口一撓親子父猶回顧瞎驢喪我兒孫去

又

百丈峯頭開古鏡馬駒踏殺重蘇醒接得古靈心眼淨  
光炯炯歸來藏在袈裟影 好箇佛堂佛不聖祖師沈  
醉猶看鏡却與斬新提祖令方猛省無聲三昧天皇餅

浣溪沙

飛鵲臺前暈翠蛾，千金新買帝青螺，最難如意為情多。  
幾處淚痕留醉袖，一春愁思近橫波，遠山低盡不成歌。

又

一葉扁舟捲畫簾，老妻學飲伴清談，人傳詩句滿江南。  
林下猿垂窺滌硯，巖前鹿臥看收帆，杜鵑聲亂水如環。

環

又 張志和漁父云西塞山邊白鳥飛桃花流水  
鱖魚肥青箬笠綠蓑衣斜風細雨不須歸此  
語妙絕恨今人莫能歌者故增數語令以浣  
溪沙歌之

西塞山邊白鳥飛散花洲外片帆微桃花流水鱖魚肥  
自庇一身青箬笠相隨到處綠蓑衣斜風細雨不須歸  
又

新婦磯頭眉黛愁女兒浦口眼波秋驚魚錯認月沈鉤

青箬笠前無限事綠蓑衣底一時休斜風細雨轉船頭

訴衷情

小桃灼灼柳鬢鬢春色滿江南雨晴風暝烟淡天氣正  
醺酣山潑黛水按藍翠相攬歌樓酒旆故故招人權  
典青衫

又在我州登臨勝景未嘗不歌漁父家風以謝  
江山門生請問先生家風如何為擬金華道

人作此章

一波纔動萬波隨  
蓑笠一鉤絲  
金鱗政在深處千尺也  
須垂  
吞又吐  
信還疑  
上鉤遲  
水寒江淨  
滿目青山載  
月明歸

又

旋揎玉指著紅靴  
宛宛闌彎訛天然自有殊態  
供愁黛  
不須多  
分遠岫壓橫波  
妙難過  
自歌枕處獨倚欄時  
不奈顰何



又

珠簾綉幕卷輕霜呵手試梅粧都緣自有離恨故畫作  
遠山長 思往事惜流光恨難忘未歌先歛欲笑還顰  
最斷人腸

晝夜樂

夜深記得臨歧語說花時歸來去教人每日思量到處  
與誰分付其奈冤家無定據約雲朝又還雨暮將淚入  
鴛衾揔不成行步 元來也解知思慮一封書深相許

情知玉帳堪歡為向金門進取直待腰金拖紫後有夫  
人縣君相與爭奈會分疎沒嫌伊門路

一落索


誰道秋來烟景素枉遊人不顧一番時態一番新到得  
意皆懽慕紫萸黃菊繁華處對風庭月露愁來即便  
去尋芳更作甚悲秋賦

促拍滿路花 往時有人書此詞於州東酒肆  
壁間愛其詞不能歌也二十年前有醉道士

歌於廣陵市中群小兒隨歌得之乃知其為  
促拍滿路花也俗子口傳加釀鄙語政敗其  
好處山谷老人為錄舊文以告深於義味者

秋風吹渭水落葉滿長安黃塵車馬道獨清閒自然爐  
鼎虎繞與龍盤九轉丹砂就琴心三疊藥宮看舞胎仙  
任萬釘寶帶貂蟬富貴欲薰天黃梁炊未熟夢驚殘是  
非海裏直道作人難袖手江南去白蘋紅蓼又尋湓浦  
廬山

山谷詞



總校官庶吉士臣張能照

校對官學正臣李巖

膳錄監生臣蔣繼煥